

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITE YA 12

SESOTHO PUO YA TLATSETSO YA PELE (FAL)

PAMPIRI YA BORARO (P3)

PUDUNGWANA 2019

MATSHWAO: 100

NAKO: Dihora tse 2½

Pampiri ena e na le maqephe a 6.

DITAELO LE DIKELETSO HO MOHLAHLOBUWA

1. Pampiri ena e arotswe DIKAROLO TSE THARO, e leng:
KAROLO YA A: Moqoqo (50)
KAROLO YA B: Ditema tsa kgokahano tse telele (30)
KAROLO YA C: Ditema tsa kgokahano tse kgutshwane (20)
2. O lokela ho araba potso E LE NNGWE KAROLONG E NNGWE le E NNGWE.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA, mme o sehe mola qetellong ya karolo ka nngwe.
5. Karolong e nngwe le e nngwe o tlameha ho etsa moralo wa ho ngola (ka ho iketsetsa mmapa wa monahano, daekramo, tjhate, lenane la dintlha tseo o tla ngola ka tsona). Boela o lekole botjha mosebetsi wa hao, ho o lokisa diphoso. Moralo wa hao o tle/hlahe PELE ho tema e nngwe le e nngwe.
6. Meralo yohle e totobatswe ka tshwanelo hore ke meralo. O eletswa ho seha mola ho habahanya meralo yohle.
7. O eletswa ho sebedisa nako ya hao tjena:
KAROLO YA A: Metsotso e 80
KAROLO YA B: Metsotso e 40
KAROLO YA C: Metsotso e 30
8. Nomora dikarabo tsa hao feela jwalo ka ha dipotso di nomorilwe pampiring ya dipotso.
9. Ngola sehlooho se loketseng potso eo o e kgethileng.
10. Sehlooho se se ke sa balellwa ha ho balwa palo ya mantswa.
11. Ngola ka mongolo o makgethe o balehang.

KAROLO YA A: MOQOQO**POTSO YA 1**

Kgetha sehlooho SE LE SENG, mme o ngole moqoqo wa bolelele ba mantswe a 250 ho isa ho a 300. Ha o kgethile ho ngola ka setshwantsho, o nehe moqoqo wa hao sehlooho. Hopola ho etsa moralo, mme o be o boele o lekole moqoqo wa hao botjha ho hlaola diphoso.

- 1.1 Ka nnete ya jwalo motho nke ke ka mo lebala! [50]
- 1.2 Kgele, ho tsamaya ke ho bona! [50]
- 1.3 Ha nka ba moetapele mokgatlong o lwantshang maqulwana dikolong nka ... [50]
- 1.4 Dintle le dimpe tsa kगतello ya metswalle. [50]
- 1.5 Basilafatsi ba tikoloho le moya ba lokelwa ke kotlo e boima. Na o a dumela? [50]
- 1.6 Ditshwantsho tse latelang di qholotsa mehopolo e itseng maikutlong a hao. Kgetha SE LE SENG, mme o ngole moqoqo ka mohopolo wa sehlooho o qholotswang ke setshwantsho. Ngola nomoro ya potso eo o e kgethang, mme o iqapele sehlooho sa hao.

1.6.1



[Se qotsitse le ho lokiswa ho tswa ho www.google.com/news]

[50]

1.6.2



[Se qotsitswe le ho lokiswa ho tswa ho www.google.com/news]

[50]

1.6.3



[Se qotsitswe le ho lokiswa ho tswa ho www.google/pictures]

[50]

MATSHWAO OHLE A KAROLO YA A:

50

KAROLO YA B: DITEMA TSA KGOKAHANO TSE TELELE**POTSO YA 2**

Kgetha, mme o ngole tema E LE NNGWE ya bolelele ba mantswe a 120 ho isa ho a 150. Hopola ho etsa moralo, mme o be o boele o lekole tema ya hao botjha ho hlaola diphoso.

2.1 LENGOLO LA SETSWALLE

O ne o tihaketse rakgadi wa hao mafelong a beke, mme o mo utlwisitse bohloko ka diphoso tseo o di entseng. Mo ngolle lengolo o kope tshwarelo.

[30]**2.2 OBITJHUARI**

Ramotse wa motseng wa haeno o hlokahetse. Wena o le moetapele wa mokgatlo wa batjha, o kopuwe ho ngola obitjhuari ya hae. Ngola obitjhuari ya hae.

[30]**2.3 LENANETSAMAISO LE METSOTSO YA KOPANO**

O mongodi mokgatlong wa tlabollo ya baithuti bao e leng makgoba a dithethefatsi. Ngola lenanetsamaiso le metsotso ya kopano eo le neng le e tshwere.

[30]**2.4 PUISANO**

O rekile nama selakgeng, mme ha o fihla hae o lemohile hore e senyehile. Kahoo, o e kgutliseditse selakgeng. Ngola puisano e dipakeng tsa hao le raselakga ka taba eo.

[30]**MATSHWAO OHLE A KAROLO YA B:****30**

KAROLO YA C: DITEMA TSA KGOKAHANO TSE KGUTSHWANE**POTSO YA 3**

Kgetha, mme o ngole tema E LE NNGWE ya bolelele ba mantswe a 80 ho isa ho a 100. Hopola ho etsa moralo, mme o be o boele o lekole tema ya hao botjha ho hlaola diphoso.

3.1 KARETE YA MEMO

Sekolong sa heno ho bulwa laeaborari e ntjha. Ngolla molaeaborari wa yunivesithi karete ya memo ho tla eletsa baithuti ka tshebediso e ntle ya laeaborari.

[20]**3.2 POSEKARETE**

Motswalle wa hao o tla ngola tlhahlobo ya makgaolakgang haufinyane. Mo ngolle posekarete o mo lakaletse mahlohonolo.

[20]**3.3 DITAELO**

Motswalle wa hao ha a tsebe papadi ya diketo. Mo ngolle ditaelo tsa ho bapala papadi ena.

[20]**MATSHWAO OHLE A KAROLO YA C:****20****MATSHWAO OHLE A PAMPIRI ENA:****100**